


建德縣志



而云無曠哉建爲嚴郡首邑邑歷漢
唐宋元圖志有無未遑遐論獨有
明二百餘年從無專志所謂疆圉
民物之類悉附見於郡書今

皇帝統御六合宰制群倫聲教所訖
遠也用漠北海隅日出之鄉流

沙萬里之外幅幘之廣卽堯舜三
代之隆莫之及也乃

詔天下郡邑纂續志書將以陳之
廟堂而爲蘭臺石室載筆之所訂延
裔自歲辛酉承富春之乏奉

命來長是邑於茲三載適膺修纂之

令等繹府志以縣無成書深用祇
惕爰集本邑博碩紳儒精加編校
凡兩月而竣共爲書九卷爲志五
十類大約與古列國所紀疆圉民
物土田職貢習俗豐凶廢興損益
得失教化者未之或殊也夫建之

序

三

在天下猶滄海之一稊然十五國
之風卽鄘亦等於鄭衛二百四十
二年之史却甚不異於曹滕則雖
彈丸蕞爾其所以備八風之奏而
成職方之圖者固必有以取之也
數百年之缺典一朝釐定而創有

之延裔庶得藉手以報

朝廷則生逢泰運與觀一統之文而慶

國家卜年卜世之靈長者豈不亦深幸也哉

肯

四

康熙二十有二年歲次甲子秋七月文林郎知建德縣事東牟臧

延裔謹序



建德縣志序

自昔王天下者操三重之權以制中外而
同文其一也易曰觀乎人文以化成天下
按古今之文莫大夫史自國史而外郡邑
各有志志卽史也所謂外史是已等而上
之則國史未有不藉于外史者志顧不重
歟茲恭遇

旨纂修會典令天下郡邑咸輯志書以
進建德爲畿首邑向無耑志當爭乃延
博雅端亮之紳衿以輯成是志余備員
儒官得覩斯盛舉起而歎曰今

皇上尊經重道聿興學校學校者天下文
章之藪而經濟之所由出也吾有司鐸
之責因進多士而訓之謂是志也有明
二百七十年求備之書而輯成于一日

舉

與朝定鼎以來茲邑沿革之制捐益之數
以暨夫山川上田吏治人物錢穀賦稅
之繁莫不釐賦其備種種經濟莫不由
此出焉豈非當事董率之功與諸儒討
蒐之力歟予以輝煌謨典黼藻
國家上以勳同文之治化成之美不其
偉且鉅也耶爾諸生得無意于斯乎諸
生唯唯而退是為序

序

昔

康熙二十三年歲在甲子孟冬月署建德
縣學教諭事舉人五雲李用勤拜撰



建德縣志凡例

一建德從無耑志有明二百七十年統附載府志
今

聖天子特命纂修建德豈附庸無成書足獻乎凡在珥
筆例得特書千秋巨業成于一日司牧之功編
輯之勞不可

一建無耑志故凡城郭以及名宦鄉達大約畧
而弗備以志修補也朕居今稽古欲廣為搜
載恐文獻無徵茲補為增輯所載在不簡不煩

建德縣志

之例

凡例

一志必有圖四境圖即府治圖也以邑之所屬與
府治不相遠若縣治縣學圖另為繪出錦峰繡
嶺映帶如畫披覽者深尚論之思焉

一府治原在淳安雉山下及唐神功年始遷今處
故建雖附郭而幅員不廣其道里之遠近疆域
之盈縮槩從府志若鄉都里遁賦役貢稅則詳
若列星邦本所繫何可忽諸

一縣令

幫源之亂板籍無稽自南宋以來蒞茲土者慈
愛居多故秩官之後卽載治行遺惠流芳千載
如新所以詠甘棠也

一建無前志故前代科甲僅列名諱而事實不詳
且有并姓名俱沒者文獻之難如此今不敢妄
爲增入其見于家譜及各郡乘所列者補入一
二恨難遍摭以廣前人所未備

一人物志 爲數類而鄉達仍列上下二傳以文

章別業 等情彙混載殊非表章者舊之

建德縣志

意王忠 孝風化攸關不敢少遺以三不激勸

焉

一藝文載各款之下愈難分註茲另爲一卷大約
關一邑之創建鄉達之著作始爲載入若詩詞
雖上無與郡邑名勝者弗錄

一建雖山城而水災特甚故詳少稜多且旱潦不
常而陽侯之虐則花甲將週而一臨志中諄諄
及之而終之盜寇其綱繆未雨之意歟

建德縣志圖



界縣谿

山楠

東南至浦

江縣界

建德縣志


縣治圖


工桐廬縣界

東北至分水

縣界

界縣分





教諭署

訓導署

文閣

建德縣志目錄



序文

凡例

四境圖

縣治圖

縣學圖

纂修姓氏

卷之一

方輿志

沿革

分野

縣名

縣界

形勝

山川

風俗

卷之二

營建志

建德縣志

城郭

署

學校

倉儲

街坊

驛遞

鄉都

津梁

壇祠

寺觀

廟墓

卷之三

食貨志

戶口

田土

貢賦

課程

物產

附

卷之四

秩官志

知縣

縣丞

主簿

典史

教諭

訓導

卷之五

治行志

遺愛

卷之六

選舉志

辟召

甲科

武榜

歲貢

恩貢

貢

例監

封廕

建德縣

吏

卷之七

人物志

鄉達

儒行

忠烈

孝義

隱逸

貞節

卷之八

藝文志

奏疏

序文

碑記

雜著

詩詞

蔣疏

附

卷之九

佚事志

雜傳

仙釋

災祥

寇盜

建德縣志目錄終



建德縣志

纂修姓氏

文林郎知建德縣事東牟戚延裔 主修

署建德縣學教諭舉人五雲李用勤

訓導 桐川湯煒謨 監修

徵仕郎內閣撰文中書舍人馬天選

內閣中書舍人管司經局正字事王齡昌

徵召博學 貢生宋維藩

貢生柴為樾

建德縣志

姓

貢生蔣鳴雷

貢生何瑞景

徵召博學 生員戴玉綸

廩膳生員王申錫

廩膳生員俞作霖

附學生員俞志虞同編輯

建德縣志卷之一

方輿志

沿革 分野 縣名 縣界 形勝
山川 風俗

先王疆理天下封建諸侯地有定制民有常居久
安長治之道千古不易也三代以後時有興廢有
卸其地而易以名者有先為縣而更以郡者建邑
為嚴陵首縣在郡城附郭古揚州南境也星分斗
野璋列烏龍碁置星布雖歛土中下而人物淳龐
輯睦尤著君子尚名節小人重去其細地瘠而
德縣志 卷 一
難耕山險而易于親民者指封疆而有禮國經野
之意焉志方輿

沿革

建德縣古富春地也春秋時屬吳周元王四年越滅
吳屬越周顯王四十六年楚威王破越遂屬楚秦始皇
皇并天下分爲三十六郡以吳越為會稽郡富春縣
屬會稽 按郡志秦破負芻以嚴為郡會稽兩郡地其
時淳安遂安未有縣屬鄞郡建德亦未有縣
屬會稽郡 漢因秦舊順帝永建四年陽羨人周嘉上書言
吳越一國周旋萬一千里山川險絕求得分置遂

晉稽治山陰而浙江以西會稽之地為吳郡

隸吳郡三國吳黃武四年遣賀齊定山越置新都郡

析富春縣置建德桐廬新昌三縣新昌即建德縣隸青昌縣

新都郡建德之有縣自此始晉武帝太康三年改新

都郡為新安郡建德縣隸新安梁普通十年割建德

縣隸東陽郡隋開皇九年罷新安郡為新安縣改建

德縣為吳寧縣隸婺州唐武德四年江淮歸版圖復

改吳寧縣為建德縣隸歙州高宗永淳二年復以建

德縣隸睦州神功元年因屢告水災徙睦州郡治於

建德縣志 卷一 方輿

建德縣建德之附郭稱首縣自此始僖宗中和四年

陳晟據睦州昭宗天祐元年刺史陳詢以州附楊行

建德縣屬吳哀帝天祐三年吳越錢鏐取睦州建

德縣屬吳越宋太宗太平興國三年吳越國除建德

縣隸睦州徽宗政和七年陞睦州為建德軍節度使

建德稱望縣宣和二年寇方臘陷建德軍三年夏四

月平方臘改睦州為嚴州軍縣隸嚴州度宗咸淳元

年陞嚴州為建德府縣隸建德府元世祖改建德府

為建德路總管府建德縣仍舊順帝至正十八年

李文忠取建德路改建德路爲建德府縣隸建安亦
洪武^{二十年}改建安府爲嚴州府建德仍爲首縣編入
十四里

國朝順治三年六月嚴州歸附建德仍首縣里如舊
康熙十年奉文均田三千畝爲一畝今歸併編戶五
十三里

分野

周禮保章氏以星土辨九州之地所封之域皆有分
野以察災祲從來遠矣後之言星土者或以州或以

建德縣志

卷

方輿

三

郡或以國迄無定據如吳越之屬星紀始見於鄭玄
注而諸說皆因之其推算宿度總不離乎斗牛女者
近是范曄志星紀起斗十一度至女七度於辰爲丑
於分野爲吳越晉書星紀起斗十二度終須女七度
費直星紀起斗十度終婺女五度蔡邕星紀起斗六
度終婺女二度唐一行星紀起斗九度終婺女四度
宋志天市東垣南第六星爲吳越當南斗女須之分
元志斗四度三十六分六十六抄入吳越星紀之次
明清類分野書吳越分野在丑自斗二度至女一度

紛紛未有定論考諸家賈公彥以諸國始封之日星所在爲其分野左傳昭公二十三年史墨曰越得歲而吳伐之註是年歲在星紀漢獻帝建安初歲星熒惑太白聚牛女孫權開江東此其時日災祥之占分野休咎之徵大略可睹矣郡志謂淳安去會稽六百餘里而范蠡鬼谷諸人以會稽去牛一度臨淮入牛四度廣陵入斗八度則淳安尚未入牛舊郡治在淳安雉山下故云建德去淳安止百餘里當如宋史所云南斗須女之分矣

建德縣志

卷一 方輿

四

縣名

漢曰富春自桐廬一帶統名富春縣山曰富春山水曰富春渚爲嚴子陵耕釣處

吳曰建德黃武四年析富春縣爲建德縣封其子爲

建德侯

隋曰吳寧開皇九年改建德縣爲吳寧縣入婺州唐曰建德神功元年始移府治於建德縣

宋曰建德屬睦州

元曰建德屬建德路

明曰建德屬嚴州府

國朝仍曰建德屬嚴州府

縣界

建德縣東西一百三十里南北一百三十里

東至桐廬縣界五十五里以冷水坑為界自界至

桐廬縣四十五里

西至淳安縣界八十里以禽坑口為界自界至淳

安縣一百二十里

南至金華府蘭谿縣界四十里以三河皮為界自

建德縣志

卷一 方輿

五

界至蘭谿縣六十里

西南至壽昌縣界七十里以白沙埠為界自界至

壽昌縣三十里

以上係水路

東北至桐廬縣界六十里以安仁牌為界自界至

桐廬縣三十五里

南至蘭谿縣界六十里以荷花塘為界自界至蘭

谿縣三十里

北至分水縣界六十里以晉嶺為界自界至分水

縣六十二里

東南至金華府浦江縣界五里以井經嶺

界自界至浦江二十五里

西南至蘭谿縣界四十里以檀嶺為界自界至蘭

谿四十五里

西北至分水縣界五十五里以峽嶺為界自界至

分水縣五十里以上係陸路

自縣至杭州布政司水路三百一十里陸路二百

七十里陸路由烏龍嶺後直至錢塘乃大驛程也

自縣至

建德縣志  方輿

京師水路四千五百一十八里陸路三千四百二十

八里

形勝

境析富春區分越嶂建滄環翠丁水迥瀾城池開畿

甸之先地理附嚴陵之勝舟航輻輳一郡之都會

也見郡志

群峰迴繞一水縈紆江澗山深山川宏偉錦峰繡嶺

四達皆嶮巖之道 一統志

俗號輯睦人和俗阜民貧而晉多文學之士 一統志

山城闐寂一葉動而亦聞溪壑濛濛迴二江合而成宇

蔡天啓表 二江發歛二

江合流於城東形如丁字

據錢塘上遊千車鱗鱗百帆隱隱日過其前程瑛富春驛記

富春以西重岡峻嶺界新安而止趙與安記

江濶桐廬岬山深建德城古詩

吳山中路斷浙水半江分方干詩

溪山侵越角風壤盡吳根杜牧詩

山川之勝宏偉非常朱考亭疏

千峰聳翠雙湍瀉玉瑰奇特傑之觀瀟灑清絕之氣

建德縣志 卷一 方輿 七

獨萃斯邑 余植登科記

山川

烏龍山 在城北三里許不特一邑之勝亦一郡之鎮山也高六百丈周迴一百六十里初以烏

龍王邵仁詳得名宋以龍為君象改曰

仁安山其麓有烏龍廟今仍名烏龍山

東山 在城內東北志云烏龍山支脈下走平陸縹繞入城各有其名此其一也又秀山以此相連山

頂有秀亭 下有秀泉

建安山 在城內秀山之東城隍廟在焉

樊家山 在城北一里山下有蟹黃泉此與建安山皆烏龍支脈後改城在城外矣

建昌山 在城西二里又名建蒼山有順濟龍王下瞰江水左有西湖諸水皆出於橋下

高峰山 在城東五里即北高峰烏龍山之支也雙峰聳秀林木清幽為一郡之奇觀山巔昔有浮屠七級與南山天寧寺塔相望趙林詩云上石披

松下步勞下窺人物見秋毫差誰更向山峰頂樹塔孤撐碧落高又舊傳卯與二峰重建塔狀元從此遊群英此正卯位南山與位故雙塔凌雲為嚴

陵八景之一嘉靖間知府莊子春重建塔於其上郡民復建東嶽天妃文昌三官廟香火甚盛遊眺賦咏者倍昔矣 按南山塔未必常與位直偏至丙方矣近議於東南隅重建一塔庶拭目俟之

南山即南高峰 與城對峙馬目山之支也上有天寧寺嘉靖間總制胡宗憲記

九峰山 在城西五里有九峰寺趙林詩云龍丘石室人難繼安正書堂世莫登但見烟蘿最高處

九峰排列 一層層

西山 在城西北一里舊有孤高亭今廢

建德縣志 方輿

道場山 與西山相連唐高僧陳命宿嘗結菴其上山因以名

方門山 在城東七里烏龍山之支也對塔列嶂臨於江濤其狀若門故名

赤山 在縣西北一里山無木土石殷狀

屯軍山 在縣西北一里相傳黃巢曾屯軍於此

青山 在縣西十里九都南岍瀕河馬目山之支也山多秀木色映黛潭故曰青山

平壁山 在縣西十五里千仞壁立亦烏龍支山

橘山 在縣南一十五里頂有浮羅橘一株遇熱風飄墜地得者託為仙人橘云
基枰山 在縣南一十五里頂有石基局下石壁
萬歲山 在縣東南二十里與明山護山相連為佳山水處

馬目山 在縣西南二十五里峰狀如馬首

龍門山 在縣東二十七里山頂有浮圖臨江浩詩云
遙夜看來疑月焰平明失却被雲遮又挂巖

遠樹穿松島落地殘聲入稻畦素
色噴成三伏雪餘波流出萬年溪

鼠山 在縣東南三十八里其形如
鼠支連尖山水口之秀者

幽徑山 在縣西四十里朱池之西
其山有漢太守朱買臣墓

義湖山 在縣西四十里山有池大旱不竭舊
有所兩壇景泰間里人方宗仁新之

吳氏山 在縣西北六十里北塢山下
多吳姓天寶中勅以名山

湫山 在縣北四十五里高六百丈周廻一百餘里與
鳥龍清冷二山相埒中有石湫俗呼為聖水禱

建德縣志

卷一方輿

集山 在縣西五十里臨新安
江濟比揚子集山云

蓮花山 在縣西五十里與楊溪峰相
連狀如蓮花山下有資福寺

安仁山 在縣東北六十里南有墓壟
上有陳侯公廟下有法源院

芝山 在縣東六十里桐廬縣清冷山之支
與安仁相對下有芝水環之故名

紫蓋山 在縣西北七十里
安界實屬淳安

靈巖山 在縣西八十里與淳安紫蓋峰相連巖泉不
竭遇旱禱之即應堪輿家謂淳安風水秀發

此於

銅官山 在縣西八十里新安記云秦時
于此置銅官採銅後銅之遂廢

五寶山 在縣西八十里淳安界山志云五山并

皆以色相似云

南高峰

在縣南十里馬目山之支下有五顯廟

陽溪峰

在縣西四十五里峰如卓筆其下人烟鑿集亦多富室

筆架峰

在縣西七十里五峰削列如筆架

龍嶺

在烏龍山側樵採從此過嶺僧真悟建懋足亭

池婆嶺

在城東北二里許李文忠兵出與張士誠戰處

望城嶺

在城南十五里從南來者登此見城故名

馬鞍嶺

在縣東北三十五里有石如馬鞍故名

響潭嶺

在縣西二十三里下有響潭又名鐘潭協鎮總虎建關帝廟於上方與

德縣志

卷一

方輿

楓樹嶺

一在縣西四十二里一在縣東南二十五里嶺多楓樹故名

井礪嶺

在縣東南五十里通浦江界

雪嶺

在縣西四十里樟村地方

蛇嶺

在縣西五十里通淳安界

避暑嶺

在城西五十里荆村西

午方嶺

在縣東北六十里在烏龍山之上南有金雞窠石穴路通桐廬縣

新嶺

在城西南四十里即馬目山左

銅官嶺

在縣西八十五里路通淳安縣

朱池嶺

在縣西六十五里路通淳安分水縣

烏隴

在縣西五十里漢大守朱買臣廟在焉

蕙巖

在縣西十五里翊忠潘侯墓在其麓

跌水巖

在龍山中懸流二十餘丈與廬山瀑布爭勝

將軍巖

在縣東南四十里與蘭谿縣相界巖石雄峙一川瀟灑一有碧湖一軍祠故名

乳香巖

在縣東三十五里相傳有乳香下垂故名但巖壁立百十餘丈不可登躋

葫蘆巖

在縣東空泊源四十里高山有石鑿葫蘆形口向上生水從口下噴若積雨後水勢高數

丈餘濺若珠
幾真屬奇觀

獅子巖

在縣北三十里乾潭望之宛如獅形故名

臺子巖

在縣東北三十五里烏龍山之左相傳唐少康禪師念佛放光處亦名放光臺旁有小菴

邑人馬天選額曰放光明

羊亭巖

在縣西南八十里晉太傅羊祜祠在焉

千丈巖

在縣東十七里新亭鄉峭壁插天石屏繞麓上有甘泉下臨雲壑中帶小亭巖巖壁流游

鱗上下行
者忘疲

建德縣志

卷一方輿

十一

石樓仙洞

在縣西石樓村洞玲瓏深邃有石林石竈石基石屏等類最奇者左有石梅樹一

株右有石柱一株楊梅纍纍如貫珠石柱為遊者攀折一枝今枝色黃若萎餘則青葱可愛

胥嶺仙洞

在城北六十五里胥嶺洞一明一暗明者高廣數丈內有仙鐘叩之有聲有仙井深

不測底暗者屈曲窈窕不知其幾十百里且多旁洞杳無出處遊人恐迷故道酒石仄為記內有仙

林仙棹仙棋仙竈獅龜等形宛如鏤刻明侍郎陸可教過遊紀有詩

洋富仙洞

在縣西銅關地方曰小而洞寬筆牀茶窻無一不具至入洞里許則層級低下莫測

其底遊人畏而不敢涉以石投之噌吰有聲逾時方止

項山洞

在縣西四十五里石泉湧出溉田甚廣洞有神甚靈歲旱取水禱之輒應

烏石

在縣東十五里烏龍山落脉石黑色因名舊傳歲久漸長立烏龍廟鎮之

磨盤石

在烏龍山兩石如磨盤而上石無根

香爐石

在縣東南一百里馬嶺山巔上廣下銳以香爐名

裴谷塢

在城西五里俗傳為裴丞相相宅無攷

錦沙岡

在城北一里烏龍山之支新定續志云正脉融結萃為郡治正謂此也

二峰尖

在城東五里即北塔之貳也尖有石亭

洪礎尖

在縣西四十五里一峰峽起上凌霄漢

東王尖

在城東三十五里五都地方與洪礎尖相西對峙

夾猛尖

在城西三十里寺鳴雙尖夾豎故名

新安

在城南一名歙江經津安縣一帶又名青溪城東一里合發港又東入浙江發塘六典

建德縣

源水有二

東江

在城東南二里一名發港來自金華與歙港合如丁字狀嚴陵入景曰二江成字即此

西溪

在縣西一里自烏龍山發源五里沿九峰山背至杜橋遷迤以達於新安江

桐溪

在縣南十里自南高峰發源七里至溪口苦溪在縣東十二里新亭雨源之水出焉

派溪

在城西十里水由龍山鄉來達于新安江

黛潭溪

在縣西十二里自仁行鄉沂流至龍山鄉西坑合沂三十里至黛潭

緒塘溪

在縣西十五里自慈順鄉發源十里至溪口

洋潰溪 在縣南十七里自浦江縣界發源七十里至溪口

馬目溪 在縣西十七里自馬目山發源十里至溪口

小洋溪 在縣南二十二里自南高峰發源十里至溪口今有中丞宋公墓

大洋溪 在縣南二十五里自馬目山發源十五里至溪口孫文郁詩有焰月自憐簾笠影子陵何

事着羊裘之句

胥口溪 在縣東二十五里自胥嶺發源十里至胥口逆流十里達於胥口江即建德江也

空柏溪 在縣東三十里自新亭鄉發源三十里至溪口

下涯溪 在縣西三十里自大周招賢橋東北塢發源六十里至溪口

吳家溪 在縣南三十五里自浦江縣界發源八十里至溪口

建德縣志 卷一 方輿 三

洋溪 在縣西四十里自蛇嶺和溪發源五十里至溪口

杜息溪 在縣東北五十五里自雲岫山發源至治平橋東流合杜息溪達於清渚港

桐溪潭 在縣東南十里 鷺潭 在縣西十二里潭深水如鷺故名

曾潭 在縣西十七里 大洋潭 在縣東南三十五里

三河潭 在縣東南四十五里潭水河中則逆流而上兩傍則順流而下故曰三河

吳坑潭 在縣東北六十一里

大郎灘 在縣東十里圖經作大浪灘非也宋續志云江南寧順廟顯應如長男倪惇募鄉人疏河

決流人之不期而集者甚眾神亦感助風雨震作廣決水道因名舟人云千年河路通一夜大郎

方門灘 在縣東元呂人能詩水石粼粼雨乍濛長年翻手一篙風之句

小里灘 在縣東五里

烏石灘 在縣東十五里

鵲溪灘 在城南二里發欵二水初合處 以上諸灘在二江會流之中沿入桐廬縣界

唐浦灘 平壁灘 王家灘 馬目灘 海瀨灘

石關灘 洋溪灘 山河灘 倉後灘 棟森灘

以上十灘並在新安江之上沂入淳安縣界

石壁灘 小洋灘 顏屏灘 魚梁灘 黃沙灘

三河灘 石塘洪灘 以上七灘並在婺江之上沂入蘭谿縣界

瀟洒園池 在郡圃舊名後樂園今在府治內

荷池 在郡治後松關北今廢 古池 一在城西北二里一在百順門外今廢

廷德縣志 卷一 方輿 十四

靈池 在城東七里唐少康禪師即高峰山建淨土道場鑿池二口水色清淨歲旱鄉人請水禱雨輒

應名爲靈池

聖水池 在烏龍山頂由城直上有十四里每旱則府縣率士民親往祈禱雨多立霽

朱池 在縣西三十五里相傳爲朱買臣讀書處其東有朱太守祠其地甚小云唐李頎有碑今碑石

俱不存而頎集又不載其文謂吳王游舉兵民不逞處公避兵及此挹下涯水飲之日水香而善其地可居於是深入大周得地爲蓬室居之鑿池爲滌硯所後人即其池名之日朱池今大周又有朱太守祠祠前有大池約寬十畝許離城六十餘里今二廟俱存在朱池者想爲朱公讀書處其在大周者爲朱公所居處也本傳俱不載歲月亦無可考以其池之現在者記之

靈惠水 在縣西二十五里其泉四時不竭鄉民遇旱禱之有應

水斗水 在縣北水門內俗呼為水斗門上一斗圓石蓋之水清冽遇旱其斗方見數百人汲之不竭下一斗方如石

鑿成水稍遜乎上

聖湖 在縣西七十里居新安江上之傍洲深澄澈北有白沙洲為限不與江通

東湖 在與仁門內建德縣治左湖廣袤數十餘畝嘉靖年間知府韓叔陽因旱澇不常築堤以捍之遂成巨浸萬曆四十一年知府呂昌期華敦復相繼開濬歲久隄噴湖水盡從東去由余浦橋出口

形家謂水分八字宦寡民貧康熙十一年知府梁浩然同知金雲鳳通判王興禹協鎮鮑虎知縣項一經捐俸暨合邑紳衿等公助開濬築壩于湖之左以防水之泄俾水上玉銜自太平橋下達江家塘直至西湖淺則兩湖蓄水毓秀漲則由西湖壩出呂公橋以達於江庶水逆流而西舊記所謂兩湖通一處者是也康熙二十年復圯知府任縣令戚及紳衿捐資重築董其役者邑人宋維

建德縣志

卷一 方輿

藩獨力肩之資不妄費而築堤甚堅二十一年夏遇洪水泛而不潰較於昔為更固矣

西湖 在城西南和義門外廣袤五百四十二丈中有寶華洲唐刺史侯溫開置宋靖康間知州凌唐

佐改為放生池景定中知州錢可則重修湖堤范純仁有西湖四景詩一云萬頃琉璃感翠林日遲

風暖物華新又云白鷺文鴛鑿裏飛紅橋朱閣影參差三云深堂高閣起清風舟泛荷香柳影中四

云夕陽照水晚登樓皎月涵波夜泛舟等句明嘉靖間分守叅政張子弘知府張任重修萬曆間知

府陳文煥呂昌期磊石成堤榜曰來賢湖順治己丑年知府錢廣居重建放生坊于和義門外康熙

五年知府劉茂先建曇華界閣于洲上但湖壩傾圯以致湖盡葑蔓不能蓄水康熙十一年知府梁

浩然同知金雲鳳通判王興禹協鎮鮑虎知縣項一經捐俸暨合府縣紳衿等公助復築長堤一帶

濬湖蓄水自十一年冬至癸丑春月兩壩告竣并開流水埠舊濠以導去水之勢豈特為郡邑美觀

鏡秀阜物之所由基也行人何士錦有記

附趙宋地師吳景鸞遺記云高樓遙望翠巖昨兩

港趨流壓象頭誰識太陽當正位若來為守定賢

侯二云四方駁雜太多山水少濛濛只見離因此

富家無久日木金二姓可長安三云兩制兩府因

何少只因吳上少尖峰他年釋教重興塔便有高

才顯帝官四云為官纔與不歸鄉水去無情一直

長更有一般堪笑處爺事多由兒主張五云穿心

水激明堂中背後黃泉又透通若得石幢居巽位

方謀兩制并監官六云屯軍山鎮坤申下此處止

左草木興若見本方人拙破須憂土寇動王庭七

云一年兩次水歸城見此須防火盜驚卯亥二方

重建塔狀元從此冠羣英八云水夾西湖方出相

州衙重建富兒多兩邊更鼓衙庭壓欣遇賢侯且

免丈九云三年之內數年間損盡州民淹盡山從

此太平三百載萬民豐富一時聞十云北門水夾

出西門免見穿心入字分從此人民多富貴更兼

孝義譽公庭十一云府圍四嶺多叢雜市上人多

建德縣志

卷一

方輿

其

輕薄兒凡物正當華飾處奈緣峰上數多歌十二

云烏龍木少勢嗟峨門戶寬宏水直過若得兩湖

通一處即時顯貴富民多按遺記統十二首之言

不特水利左通下砂更不左缺矣後之君子留心

斯地者乞

加意焉

南溝

在城內有二源一自北門內水來一自烏龍山

西源來二水經城內合為南溝出半道淇下向

順流出與仁水門入余浦口達于江今改失由江

家塘出城西水門入西湖出呂公橋達于新安江

南堤

在城南澄清門外知府朱體募舟人運巨石砌

長堤東抵與仁門西抵稅課司為堤二級廣踰

四丈表數百丈堅緻平坦障

頽波便往來人至今德之

余浦

在城東三里烏龍山發源南流二里計達浦口

入新安江會發水趨桐江而下問協鎮

鮑虎重建橋于上行人便之

龍泉 在城北一里錦沙西

秀泉 在城北一里秀山下

蟹黃泉 在城北一里樊家山下色若蟹黃故名

桂泉井 在縣西雙桂坊

華泉井 在舊開元寺前俗名荷花井

泉秀井 在府治通判署前

甘泉井 在和義門內

碧波井 在拱辰門外東

半引井 泉自建安山出在洛園東

菊花井 在和義門外祝家街水甚甘

方井 在建安山麓

寺井 在縣橋下報恩寺右

雙井 在城內善教坊南今雙井巷是也

舍人井 在城內舍人橋東

九峰井 在城西五里九峰寺後石窠中

丁家井 在城內濠港勸今改朱家井徐格開砌

建德縣志 卷一方輿 高峰井 在城東七里高峰山頂深五尺圍六尺冬夏不竭

六眼井 在城三元橋西井眼有六邑人馬景福建砌

又九井儲秀為嚴陵八景之一因攻城有不可考者

者

附嚴陵八景 一曰千峰古榭 范文正公所 二曰八面層巒 三曰雙塔凌雲 卯巽二峰 四曰二江成字 歙發二水

合成 五日三墩毓秀 一在通判廳前一在縣前一在城南相傳郭璞所嘗以識

郡城龍 六曰九井儲清 七日七里揚帆 八曰兩臺

脉之處 垂釣 詩文見 藝文集

藝文集

風俗

建邑附郭山多田少磽瘠者半耕讀之外別無餘畜
歲或不登借糶他邦食云艱矣嫁娶之禮暨從其
儉喪家稱其有無大約冬間舉殯况俗稱輯睦承
范趙呂張教澤之餘戶習詩書敦仁讓深山遠
谷絃誦彬彬今

聖治維新司牧者殷殷訓迪行將追古醇厚之風焉
四時崇尚

元旦先夕灑掃室堂及庭昧爽而興設香燭拜天地

建德縣志

卷一

方輿

六

祖宗男女成禮畢親友互相賀歲

立春前一日縣令迎青帝土牛於東郊散春花春枝

撒春豆春米 茹春餅 粧露臺 田家擊長秧

鼓

元宵自十一日起十三大盛各廟張燈至十八日止

結燈棚 放花炮 和麩圓薦先更相賀食 鄉

人作長龍燈 新婦之家設醴祭牀

社日各鄉爲牲醴祭社神以祈以報祭畢則飲福而

歸

清明掃柳于門寢窳匿人簪柳葉 展墓祀祖新墓
則子婦借祭

立夏日煮夏粥亦有饋送者

四月八日作烏飯 十六日晚以月占年

端午包角黍 餽節 懸艾虎 小兒佩壽源道符

門貼符篆 飲菖蒲雄黃酒

六月六日晒衣 曝書

七夕女婦設祭于庭穿針乞巧

中元祭享祖先 亦有僧作醮口法事者

建德縣志 卷一 方輿 十九

社日各鄉設牲醴迎社神閱苗

中秋設博異以觀月華餽月餅 宴飲至夜分乃止

重陽炊糍餅薦先 飲茱萸酒

下元展墓

冬至祭祖于家廟相見稱賀如元旦禮

臘月二十四夜設菜送竈有不及舉者待除夕 設

儺戲于街

除夕懸祖父遺像奉祀 餽節懸桃符 祀竈 爆

竹 骨肉團團而飲坐以守歲

論曰春秋元命苞曰地者易也疆分里析隨平時者也故自春秋而後建置不常沿革匪一雖城隍再更改邑未能改井而江山如故亦未聞易民而治也建德爲揚州南境麗牛羊之墟自孫吳創邑以來區區遙幅員甚隘地非有莽蒼之難覈也山非有崒嶽之難登也水非有瀚淼之難測也然而北枕龍山南襟丁水東眺雙臺則雲烟聳翠西連疊嶂則漸歛分流耕者無膏腴之樂而腴腴堪憐士人有輯睦之風而絃歌不輟於是攷驗圖經周覽疆域形勝旣矚高下是圖體天之道而纏次以分因地之宜而溝洫以固是在子民者察輿情求民瘼以爲風俗之所從出教化之所尤先也孔子曰觀於鄉而知王道之易易也豈不信哉